

## 192.

*Rektor, Magister und Doktoren der Universität einerseits und Dekan und Magister der Artistenfakultät andererseits genehmigen den von dem Magister Johannes Fabri von Wörth vorgelegten Rechenschaftsbericht über die Ausgaben welche dieser bei Gelegenheit einer im Interesse der Universität nach Rom unternommenen Reise gehabt hat, und sichern ihm für seine Mühe eine Gratifikation zu.*

1491 Nov. 5.

*Hdschr.: Registrum facult. artium fol. 6.*

Wir rector, meister und doctores der universiteth zcu Leipczk an eynem, dechant und meister der freyen kunstfaculteten ytzgdachter universiteth am andern teylenn be- kennenn mit disem briefe vor ydermenicklich die on sehenn, horenn ader lesenn und 10 thun kunt, das uns der erhaltige magister Iohannes Fabri von Werd, unnsere hoen schulen und faculteten namhaftig gliedmas, den wir im nehst verschinen iare inn etzlichen sachen bemelte unnsere universitethe und faculteth belangende gein Rom zcu zziehen vorordent, vonn dem gelte so er alhir zcu Lipczk von dem rector unde techant zcur zzeit, auch zcu Rom auß der banck von unnsertwegen eingenomen und außgegeben uff datum dißs 15 briefs gute, redliche unnd ufgerichte berechnung gethon hat, bey der etzliche der unnsern dorzcu durch uns vorordent personlich gewest, die gesehen und ufgericht be- funden, zcu gelassenn, auch zcu dancke angenommen haben und approbiret, die wir auch also zcu dancke annehmen und approbiren zc. Dadurch szo quittiren wir den obge- dachten meister Iohann Fabri desselbigen obbenberurten empfangen und außgegeben 20 geldes halbenn gantz und gar inn und mit kraft dises unnsers briefes. Unnd nachdem wir om zcugesagt das om sulcher seiner muhe, arbeyt und verlicheyt durch uns redlich solt vorlohnt werdenn und dasselbige uff unnsers gnedigen hern von Merseburgk aus- sprechenn und erkenneniß gestatt, erfordert die billickeit, szo er seinem gethanem bevelhe vollkommenlich und mit vleisse nachgekommen, das wir öm sulche unnsere zcusagunge 25 ane widderede haltenn. Demnach er bieten wir uns wie vormals seines soldes und lohns halben mechtiglich uff bemeltes unnsers gnedigen herren von Merseburgs irkenneniß und aussprechenn, und was uns sein gnade in deme weisen wirdet, dem wollen wir keinerley wege widdersprechenn, sundern mit willen gehorsamlich volgethan, domit dem vilbemelten magistro Iohanni Fabri seiner muhe und arbeyt durch uns gnuglich vorlohnt 30 werde. Zcu urkunde aller und itzlicher obbenberurter stucke haben wir rector und dechant obbemelt unnsere universiteth und faculteth inngesigell zcu ende diser unnsere quitantien wissentlich drucken lassenn, die geben ist sonnabends nach omnium sanctorum im LXXXXI°.

Doctor Thomas Wernheri	} von der universiteth vorordent, sein bey obberurter berechnung gewest.	}	35
Iohannes Reinhart			
Magister Iohannes Spira			
Martinus Sporn			
Magister Thomas Hérrieden	} der { alt } dechant von der faculteth wegen dorzcu verordent.	} naw }	40
Christoferus Tetzsch			